

hat schreibenn Lossenn das der haitzog vonn kleeff 2 Sturme for hentzburg ferloreenn hat vnnnd am dritenn sturm sol er erobert habenn vnnnd alles Lassenn tot schlagean so drinnen gewest ist vnnnd sol fort an nach brabant sein geruckt mit seinem her ader krigsfolck. Disse Zeitung habenn hie Irer 3 In schreiben vonn hamburg Das hab ich eur F. D. nit underlassenn kunen Zue schreibenn Damit eur F. D. sehenn mag wie seltzam die Zeitung hie seint das ich schier nit weis was ich eur F. D. solle zue schreibenn damit ich gegen eur F. D. nit muchte Leicht fertig geacht werdenn aus dissen Zweien Zeitung hat eur F. D. das böse draus zue fernemen denn ich schreib eur F. D. die selbenn zue wie ich Sy gehort vnnnd olzeit mit fleis Darnnoch gefragt hab got wolle eur F. D. Inn Langweriger gesuntheit erhalten wil auch als eur F. D. getreuer undertann In eur F. D. gnadenn befolleenn habenn Dat. In Dantzke den 14 tag Julli anno 1543.

E. F. D.

gehorsamer treuer undertann
Andreas Ventzll.

A.-V. Andres Venczel Zeigt ann das der Herczogk vann Cleve vor henczburg ij Sturme verloren und dasselbe Im dritth. erobern. Dat. den 14 Julii 1543.

VII. (36.)

*Andreas Venzl schreibt dem H. A. eine Zeitung.
1543. 14. Juli. Danzig.*

Ad. Dem durchleuchtigen hochgebornen Furstenn und hern hernn von gotes genaden albrecht marggraue zue brandenburg zue Stedin vnd Pomern der Coschubenn vnnnd wendenn Hirtzog Inn Preußenn Furst zue Rugenn Burggraue zue Nurnberg Meinem gnedigen Fursten vnnnd Hernn.

Durchleuchtigster Hochgeborner Furst gnediger Herr eur F. D. wissen zuuernemen vnderthenige gehorsame trew vnnnd Dienst zuuor gnediger her Ich fuege eur F. D. zue fernemenn das denn 12 tag Julli ein Pot mit prieffen vann emptenn an mein hern wirt her michel kosler kumen ist welche durch seinen son Inn emptenn geschribenn seint Der Inhalt laut das Die burgundischenn mit den kleffischen ein schlacht getonn vnnnd dath der Printz von orania der burgundischenn oberster felt-haubtman das felt erhalten vnd dye kleeffischenn Die schlacht ferloreenn vnnnd der Printz vonn orania ist hart In kopff fer wunt wordenn es seint auch Die burgundischenn hernn zue empte:n gewest als der graff